

Tulbagh misit eam siccam, una cum ingenti vi plantarum exsiccatarum et bulborum et Insectorum.

Ab eo dixi hanc plantam TULBAGIAM, cujus character in Mantissa p. 148. sub genere 1300, Speciem *TULBAGIA capensis*, Mant. p. 223. habetur cum descr. Tua planta magna est, in loco natali vero vix Galantho major. Haerebam primum utrum posset Narcissis associari, cum nectarium ut in Narcisso serotino sexpartitum, sed cum Germen sit superum, erit diversa et a Narcissis, et ab omnibus hexandris spathaceis monogynis. Miratus sum stylum adeo brevem, sed video et similem in Tua. Lacinae corollae tres exteriores in meis floribus sunt quasi supra (extra) ipsum tubum, infra 3 interiores, sed hoc forte casu, cum certissime sit mea eademque species cum Tua.

C. L.

(Sine die. Jacquinus respondit 8. Augusti 1772.)

63.

Fl. 24. *Nepeta nuda* est.

Hort. 240. *Spiraea chamaedrifolia* sic.

107. *Asclepias incarnata* omnino.

119. *Cytisus Cajan*. habeo in horto. etiam Indicis speciminibus simillima. Si varietas, certe species non distincta.

138. *Royena villosa*. certe simillima, nisi calyx et corolla repugnarent.

124. *Dolichos*, ex figura non dignoscitur a me.

Sinapis brassicata. ex figura hanc non dignosco, non est mea. Vide inter Erucas Tournefortii aliquam, an flores albi.

74. *Cheiranthus crysimoides* meus omnino est, at alii duas species distinctas a me propositas conjunctas esse volunt. Misisti quondam semina utriusque, quae florebant al-